

集部

金定四庫全書事明名賢文表卷二十次

詳校官中書日瞿 照 助教臣常循覆勘

校對官編修臣盧 總校官庶古士臣朱 曆録監生臣李世麟

燧鈴

中州马跃之是 石有做動過已厥後道 子題書人屢欲且 金故苑西北維丘 劉昌 編

監無罪兹志安載而去野亦異哉初極密趙公良弱當 若是願置安處且遠荒穢尚敢他用以贖聖靈神惟降 志玄直廟西百舉武起真陽觀為長春別院復購焉約 土茫茫析而為幽州者帝之所經畫宜乎無人祠饗不 告公曰嗚呼噫嘻皇乎休哉惟帝明德萬古是式況冀 建學宫於鄉縣求志玄為工師既近功以徙碑事蹟來 不犯元刻用石背勒管建本始備力來從碑與跌拆身 挺植重不克舉仆道士惕息罄折向碑祝曰今神顯思

欽定四庫全書

N. C

也山川風土帝疆域也是則聲教所暨巍巍乎與天地 稽首而臧言曰日月星辰帝玄明也君臣父子帝鬓倫 | 黼扆焉既而趙公將志玄之怨以復廟記見屬某拜手 大元戊寅凡五百有餘歲神物護持俾勿壞汝歸與復 忘廟屢廢而旋復也又遺碑歸然自唐歷五代遼金當 復數百年之售俾來者贍天就日知慕帝德如蟻之赴 同休孰能名而能報哉今志玄黄冠師因趙公一言而 之責不在師乎志玄曰唯即以道宫丕構作新廟而奉

Rent Durat Limite

中州名賢文表

曾 思成比封之美又以見趙公事君治民孽孽焉以堯舜 **羶可謂推原道本敬其所當敬乃知天理之在人心者** 為帝兮風動八區烝一人分別惟析津帝經制分物不 帝降諸馬東方人兮幽幽深山鹿豕草兮耕稼陶漁至 苦麻化土泥兮聖靈在天濡鴻私兮阜財解愠南董 之道存其心者也誠宜特書以詔來哲仍繫樂章使都 人歲時祀饗登以歌焉其詞曰 一息而間斷邪至於稽古樂善因機就功毗贊皇歐

銀分四月白書

こーナン

燕人懷思歌明德而祠兮八音庭陳鳳來儀兮九疑雲 炎足四重 白馬 平陽府治之西有鄉曰晉源帶汾河表姑射林墟櫛比 **允執其中分** 聰兮恫彼下民中庸其鮮充兮嗚呼而能一天下之慮 深望何依兮我廣九歌言匪空兮皇天降東克終惟帝 泉流交貫無寸壤閒曠山霏夕景香藹如畫故河東稱 分鳶飛魚躍日用而不知兮風移俗變天理存厥彝兮 平陽府臨汾縣重修后土廟碑 中州名賢文表

咸時單出惟恐居後豈終歲之勞一日蜡者之意數樊 遠有陷唐之遺化焉用是富庶而事神報本之禮尤恪 **麦其謂我何咸微懼聞命相與經畫起廢完故益新智** 其若是乃捻於衆曰吾黨仰滋天休取足厚載歲比豐 氏里后土祠其來浸邈蒼煙喬木輪困離披已百餘年 物也兵燼來雖正寢歸然日就蕪圯里中父老某等憫 穰人用樂胥可不知其自邪今神庭未備不足安靈揭

膏腴勝槩之地於斯寫最風俗率勤儉盡地利憂深思

巷

金グロ屋

禮幣求文於予將以幽贊神明紀夫廟稅與衰之自謹 金碧絢爛森布左右莫不畢備游人過客載瞻載儀落 是繚重垣建臺門作重寢列兩序樹庭屏凡三十八楹 然後工者輸平巧肚者服其役營務既與先後有飲於 者作其謀富者資其用取材於河陷甓於野爐礎於山 按汾陰后土祠乃魏郊丘之制其典秩華縣肇於漢武 山草木亦為動色凡費氣幣僅萬疋既落成某人等以 丹刻暈飛輪煥離立其配侍法從之屬旌纛儀衞之數 ころうう J. II. 中州名賢文表

子至於鄉遂皆得置而通祀弟禮文制節有隆殺之異 得擬也以理究之神睢者即有國之大社而社者自天 盛事曠古當然之典是則崇奉者國家之事非鄉民所 曲想夫泛樓船濟汾河干乗萬騎威靈振赫回旌跓蹕 屬邑以兹為離官異館神游美報之所其誰曰不然鳴 躬祀雎上祈榖報功於是平在故歷代因仍以爲聲明 元鼎行幸之初千載而下今人歌秋風之辭詠汾陰之 爾況土為神廣大博厚無所往而不在又汾陰在晉為

到坑四庫全書

ż

瓊芳真桂醑俟神來欣樂胥芳菲菲兮滿堂偃金枝兮 矣乃爲作送迎神辭春祈秋報歌以祀云其醉曰 尊以答高麇無疆之休較夫淫祀野祭者可謂知所嚮 本返始奉所當祀俾歷世相承之俗敬恭誠潔永永是 總總之民物則既戕心惑所獨有射利微福而已故祀 汾流兮容與林葩兮綉組被汾兮一曲坎坎兮擊鼓薦 非其類僥倖於萬一者胡可勝數今鎭方之民獨能敦 呼三代已降教化衰而禮樂廢禮樂廢而祀典亡林林 たこり百 211 Ų 中州名賢文表

翠羽報神德兮德何溥 愁予目兮娟娟神篤我祜兮歳有年 澹林扃兮山煙乗回風兮雲軒神欲旋兮何邁슙上征 金分四月全書 兮朝元衆紛舞兮羅拜欲神醫兮無言望極浦兮渺渺 爲州甚劇其地蓄河山之潤總六縣以三萬戸爲河 絳州重修夫子廟碑 右迎神 右送神 Ł

覆壓蟠蜛枕跨岡陵是依獨夫子廟學據城之東北隅 爽朗夷行真澤宫甚宜而素汾北來盤折容與帶郡城 垂成之功日就防剝乃以完故益新為任於是完正殿 元九年秋奉議馬公來尹斯郡既謁告顧瞻咨嗟憫夫 而公卒漢然狼藉者蓋三年於兹噫將有待而然邪至 郭公來始圖與復遂起大成殿泮宫門各三楹甫朽棧 而西望之一泮水然廢撤既久莽為棒墟遠州將獲澤 東冠俗剛儉尚氣義奄焉有三晉餘習州治民盧高下 中川名賢文表

右東西兩應繪六十二子及大儒二十有四家晃學裳 寓夫子之所感焉嗚呼三代之治道莫先於教學無重 其大者者者可無聞於后來謁文於余因勉爲撰述且 子來歸洋洋滿庫既而衆議以州之治化及民者非 松桶有舄碩碩其庭中設素王像以題孟十哲配侍左 肚臺門創兩序凡就屋五十餘楹層棟軒耆墀陛整削 峨峨奉璋奎壁輝映煥焉有光廟既成適選舉今下士 於育材材弗育則用乏其人民失化則不明乎善善不

欽定四庫全書

其本以簿書獄訟是務為士者不思根極聖道以大學 未至耳今國家崇聖道開化源建辟雕於京師立學師 材不色然氣之不充俗之不美者特以教之無素養之 蟠精粹靈非有今昔醇醨之間人之秉彝具存天之生 求吏之良政之善胡可得已若夫天地縕細山川開闔 人文之化青莪樂育之方靡不備至奈何吏治者鮮推 於鄉遂顓本業者復其身鳴一藝者無不庸是則大易 明則民入於僻民為於僻則幾何不寫禽犢也哀哉欲 el ...) O wet his also 中州名賢文表

就若爾可謂能也已尹諱州 閣熟其然故下車之初首事學校作新士民耳目至成 湮做締文繪章士穩空言吏昧厥治朝夕孜孜匪不摩 大有覺何妨何則而先乎學吁嗟叔世降及漢唐道統 而繫之以詩其解曰 而曰道不明秦無人也宜矣尹蚤以學術侍形庭歷臺 **厥初生民秉彝昭融物怨外遷良心蔽蒙於鐮元聖乃** 郡人既書其與建本末

自任區區從事於章句之未是不副上之所求所望焉

到近四届全書

益新馬公之功本既立矣道由生矣际為領羊乃子之 發越道源粃糠虚文浩浩其天廟宫之建序库是宣穆 之兵湯焉無餘前政茍訊初不遑邱園號與感薪刈其 曲沃縣學舊矣始完於宋嘉祐初盛於金泰和問貞祐 恥 穆睿思意兹在焉而吏而士尚克勉旃盤盤閱官完故 勵科學異端簿書期會愚者不及淪於自棄聖不世出 絳州曲沃縣新修宣聖廟碑

火已四年公告

中州名賢文表

為事工垂構而去尹侯簿賈天衢相與顧歎曰蕭武弁 學之本末互陳而歷告之三代之世家有塾黨有庠術 諸賢之列用垂示來指竊不自揆敢以聖道之隆污廟 勤今政對終之善來謁文將刻石廟庭俾簉名於孫曹 能是為可不卒其美然澤宫故地庫随湫隘不足真安 而敞其禮殿焉既落成董事者許良等感蕭君經始之 神觀聳邦民瞻相治城西北陬勢夷且夾遂増崇前規 下者幾五十祀逮至元已已邑尹石抹公慨然以圖復

金岁日月日言

塞ニキン

昧心喪 厥守異端百家之說乘隙鼓為不無處雜壅底 學而無廟周衰王者迹熄生民不被库序之教天理於 教明人倫者率屏絕不容髮其間故三代道出一致有 睦朔任邱之方凡邪說設行放荡僻異之術非可輔世 師示不忘本也彼朝夕見瞻無非智仁聖義忠和孝友 書數然不可不知其所自故入學釋菜奠弊於先聖先 成然後實而與之其典則六德六行其藝則禮樂射御 有序國有學以師以令肆俊造其中時書歲考小大有

大王日日 在時間

中州名賢文表

者以虚無為宗干利禄者以科舉爲業其視窮理正心 無他聖道明而百家自息也逮魏晉隋唐以來慕高尚 館林如鴻儒繼作師傳業受學古滋官守其說而不易 之敬此太史公讀功令未曾不廢書而嘆也及漢與學 修已治人之道情不知爲何事時則三物之教弗明於 文學氣節雲蒸霧散彬彬然幾三代之風何其盛哉此 故謀王體斷國論一以經旨為據於時公卿大夫士吏 上先王之澤不及乎下單寫廟祀尊孔氏而王之三代

金分口唇白雪

賢凡所以風四方而開太平之基者靡不與舉故經明 達之士出芝夷浮學羽翼聖道為任然莫能拯起其弊 Dall Sittle 天下平之道已常佐天子而理百官矣士之不志於古 两漢斯可矣今國家昭至德建民極勸學敦農崇化属 而全濟其溺者何哉蓋道之隆污學之盛衰一繫夫王 行修之士往住賓與天府權位邠相以心正意誠國治 政好尚而篤之有無也嗚呼三代吾不得而見之得見 教育之實泯派掃地矣所謂有廟而無學問有卓越特 中州名賢文表

維晉曲沃以劇稱絳山左戒汾右傾山川開闔氣上蒸 朔之所吾不知其可也銘曰 漢之風孰謂不張本於斯邪不然釣采華名寫饒牽告 一新士民耳目俾知所以學異時人材輩出斌斌然追雨 矣道由生矣師的者能仰體上之所嚮以明倫實教作 憂深思遠奄焉有唐晉餘烈尤不可後者教也本既立 昔以劇稱土腴物阜爲絳諸縣甲俗剛僉力穑尚氣義 則已苟志於古舍斯時之易將何所求所待焉曲沃自

到定匹库全書

卷二十七

堯舜用道以治天下孔子任道以垂萬世其所以明倫 鳴呼库序教所生石君作尹追良能奉宣德化根以誠 後人繼之率有成方華古礎排巨楹文樣藻棟浮雲紫 清廟起廢功勃與心計百至經載營惜哉垂構任遽更 始謀攢終匪自矜吏民懷感思以銘我詩刻石碑廟庭 相前增崇尤克承教其鋪敦道日宏春風隱耳經歌聲 風俗勤儉餘剛稜邑居萬家業有恆既富而敎廼世程 A. Lin 解州聞喜縣重修廟學碑銘 中州名賢文表

邑桐鄉逮漢元鼎間始易今名其為縣漫董澤真鳴條 |學其比隆致治之意固云極矣而承宣鼓舞寔守今之 |麦自京師達於郡邑鄉遂率建教官勉士以德趨民於 職是則道生之本教始之基其可後而聞喜在秦曰左 已後之君人者思欲化隆唐虞坐牧牖易之道舎夫子 建極論政造士邇說遠懷者不外夫術有序國有學而 之教将安法缴我國家尊師重道明德新民風動海萬 雄盤遠帶風土夷沃通晉走蒲古寫咽會名卿碩德代

윏灾四库全書

巻二十七

為任既而監縣事托台簿司天禄佐史劉瑞爭出廩料 有年於茲至元已已從仕郎張君來尹是縣首以營治 然歲年縣邈人迹罕至浸淫於壤漿草棘而宅狐狸蓋 皆數百年物也按廟碑由宋迄金宰是邑者增崇非 浸者爾縣廟學舊矣枕城之艮隅地勢穹窿如神龜負 不乏人顧山川之氣鍾靈萃秀必自人文德化薰陶涵 故制度宏麗甲於諸縣遷華以來神栖碑屋幸脫煨燼 圖背露淵水蒼官薈鬱環列庭祀秋煙古色望之儼然 中川名賢丈表

資所費而濟厥機如粮棟桶爐之傾腐者領甋階陛之 麗石以告來指不肖素陋於文以懇請堅切辭不能已 之蕭藐馬無聞於後以職以分瑞也寔任其責擬揭諸 腆敞邑猥致力於鄉校功甫傷而尹適去烏可俾上官 汾西前尹王延年持溫國文正公學記踵門而請曰不 禮告成厥功百年偉觀頓還於舊專明年春史劉瑞介 門庖庫畦圃游息之所莫不畢備用十年春二月釋菜 缺裂者舉易而新之復起講肄之堂齊廬之位至於神

銀定四庫全書

巻二十七

神居錐存地工荒蒿萊没人狐兔藏風雲穿漏摧棟梁 善卓卓有成也如是較夫從事於簿書期會之末者不 維漢間喜古桐鄉東浸董澤南條岡千年喬木秋煙蒼 願也尹晉州臨汾人諱仲祥資明良果於從政故其寫 敢勉為書之又竊喜幸得列名於司馬公之下風固所 如儉顯魏度相唐風雲感會龍虎驤至今德業何昭彰 廟宫盤盤枕艮方平時經誦溢兩庠代不乏賢古明良 日有志於本知教之所基者數誠可歌也已其辭曰 2) a.) o mai de tido 中川名賢之表

| 末為成兵撒而槱之國初郡人徐帥因廢基而屋馬後 首陽山孤竹二賢祠肇見於李唐增隆於前宋金貞祐 我南走滴過此邦親親盛事思彷徨吾儒有例善則揚 咨嗟吾道百孔瘡頓還舊觀蔚有光齊爐有室講有堂 張君下車心慨傷首以營治如弗遑同寮見義爲貲襄 作詩豈惟示不忘士民嚮化此本張嗚呼廟碑古甘棠 四十載當至元九年玄點處惲自御史裹行來官河東 重修狐竹二賢廟碑

多质四库全書

Ł

接長吳舉董治厥役改新肖像以儼神儀逮明年夏五 於是祇會屬吏作新是圖資聚既管眾工趨事仍命府 風烈之義而大懼不職下隕教條吏隨不恭惡可狗扭 就滅於戲前政之不舉至於斯邪非惟不稱明詔尊顯 沐奉祝祇拜墟墓庭序聚翳路寝傾圯遺像黯昧防剝 牢之奠敬妥神棲帶河表華新宫敞然山煙庭木奕奕 月復行縣次蒲吏告記功用六月丁亥躬率僚屬以少 以是年冬十有一月按部至於蒲坂適致祭令下遂齊 中川名賢文表

以審夫子不爲衛君乎至於義抗自終恥食周栗亦謂 史所述去國諫伐盖宗國有不說好事者為之說耳竊 矣揭若日月亘終古而不熄小子其敢假諸然讀黃太 |求仁本心與懦厲貪之操息邪懼亂之功孔孟稱之詳 其事於石以詔來者噫二賢聖之清者也其出處大節 也且以避紂不有其位孔子何為稱求仁得仁子貢何 有所疑馬若曰非讓而逃國人惡而逐之烏在其爲賢 動色守吏不任之责庶乎其少塞矣知府楊居寬請書

釗埞四庫全書

卷二十七

時歌以祀馬辭曰 禹與追以暴易暴兮吾知其非國極所欽兮祀典載照 風瀟瀟兮波瀰瀰神之遠游兮邇何歸南叶虞舜兮帝 瓊靡潔兮蘭馨錯發蔬分薦神庭條之山兮河之水迴 德之世不知俯仰何所愧怍僵踣於兹山之下乎故持 然二賢者北自海濱聞善養來歸當周命惟新明義崇 事不經見臧哀伯何獨稱武王克商義士猶或非之不 表而出之必有能辨之者仍爲清人作迎享神辭俾歲 和州台賢之長

麥丘 尊師於海上長春目其氣志非凡殊稱異之居無 請師住持郡之元都宫於是鶴馭東游道出散邑汲長 幾何全公主馬坊之清真觀追國朝士寅咸聊攝趙侯 維衞紫極道宫全真師沖虛子房公所剙建也初公既 槃非周粒分桂酒芬菲民之載神兮清風庶幾偃迴斾 趙實扈林聞師道價重一時以治城崇道里隙地廣六 分入室陳鐘鼓兮載考載擊千秋兮萬歲於馬兮永息 衛州創建紫極宫碑銘

銀定四庫全書

詩什知為吳越錢氏子孫隶華庵故基也師畱博懂紀 徒而告曰吾大方家雖清虚自然為宗要以應時行化 若衛之土中而處會俗美而易化不於馬闡吾教尚何 **為重証容山林長住歸潔一已乎且吾行天下多矣未** 而西還淇上方履滿戶外每以居逸教無為慮因集其 張志洞等結峁以居嘗闕地得石上刻宋太宰張邦昌 住然祝延寶供香火焚修之所非大壯麗不足以張皇 十舉武縱則倍之奉師為元覽別館忻然許焉輟其徒

眾下商洛之材跋涉難阻以歲月得木萬計遂建正殿 教基竦道俗瞻敬之心也廼命門徒孟志元趙志樸率 為數百年物尋師委蛇仙去遺命志樸等日今大功將 | 画其不畢舉師素負巧思志堅而氣充規橅位置意匠 **傻品見玄教之傳也下至壇墠神閩齋室庖温廐庫號** 奉玉皇黼展欽天帝之尊也後復作上真殿五筵叙列 七鉅楹内設三清大像示至道之原也中起通明觀以 中定不待畫官於堵而為執用者之法要使堅完鞏固

欽定四庫全書

今則繪彩供帳截然一新金光五雲絢爛溫目宏麗靖 忘勞焉實經始於壬子之春迨至元甲申秋工告追功 等三十年間焦心勞思攻苦食澹繼述師訓猶一日然 集無以吾存殁而作有間勉强前修以卒吾志故志樸 文者再余以鄉梓盛蹟且與師有元該之雅勉為飲次 志樸乃件右師之行業與夫與造本末踵門磬折謁子 深寫一方偉觀其工費之廣自力其力初不外假而衆 師諱志起維州昌邑人幼業儒既而以異夢有覺遂 þ 川马舒之長

若志樸者於師弟子之禮始終盡矣尚循以師不親道 寅志樸以師德請於朝家敢定優號曰宏貞體靜真人 緣大成為欲予慰之曰不然昔真人舎清真而遊博去 士夫遊至於熊祭之獲福雲鶴之顯異所在驚動世之 墨名而儒實者蓋確論云宜其事業成就如此至元戊 耳目者為多遺山謂師外朴而內敏質直而尚義似夫 博而終稅駕於衛今雖神游無方具眷戀於此也必矣 入道為人氣貌魁奇操行清峻通古今善篆檔樂與名

欽定四庫全書

兹乃黄老之常經有時土直為世程祈禳縣祭由是生 道家者流本静清查冥而無迹與形密慈尚儉貴不爭 樂石雖縣亘千祀庶幾來者有所考焉其辭曰 而為孫劉絕塵之樂也那仍作歌詩詳見師志俾刻諸 騎氣追陪真仙安知不過故山而雷語俯華表而增懷 接踵見於方志雜出於傳記之說者昭昭矣異時取風 山公和舒嘯於蘇門海蟾留題於白鶴仙蹤靈即前後 汎共衞間名山勝境固有小有洞天如元元化現於 户州名爵七長

紫極夜氣開達瀛追攀逸駕非吾能尚想為國儲休預 門人攀慕涕雨零歲累月積大有成惜不久視為宗盟 庶用張本道可與陰助政治歌清寧大緣未竟欺上昇 紫垣落落羅天星先生演化意有徵後孰像馬先此營 仙宫洞房本不局神遊八表風冷冷來過故國宜少停 方花古礎排巨楓紫雲寫蓋青雲城羣仙嫓統項皇靈 魁偉德業元門英至人未免安愫行河山兩戒鑑金庭 像緣教設雖强名雄樓傑觀爭崢嶸猗嗟先生起管陵

欽

定四庫全書

象維永泰寺肇基自遼彌陀者泰之別院也大安兵燼 內典故精藍勝利粧嚴實界金碧相望有佛國大無氣 廢撒不存鞠寫茂草者五十餘年大元至元壬申有僧 大行宫居像設亦從而熾盛之我國家鼎定全無教隆 大雄氏之為教如慈雲慧日覆壽無際惟得其人道乃 要作華表歸來銘 風時雨若穀不蝦下洗澆俗還淳誠我詩刻石何千 大元國大都創慶天慶寺碑銘并序 月ろ消し見

都郡王廼出重幣易是院為師待問駐錫之所與其徒 言多所縱釋其後王請師住豐之法藏院仍贈具錦 方日有所覺以至承嗔獲譴非罪而惟苦毒者因聞 以經戒嚴機鋒峻越在雲朔名動京師當假息間有以 雪堂者始來結卷而主之先是師業嗣法猶窟潛天德 衣用著顯異尋以道行上聞有詔所在護持及觀光大 王聞師名德喜之既觀止即依慈陰叩真詮師順事隨 天慶名所栖而告之者初不諭其故既而駙馬高唐郡

欽

定四庫全書

Z

事夢既協即為新寺名額於是倚眸像於金光沸潮音 賓客之所畧皆完美始於し酉之春成於丙戌秋仲役 **釐故欲辟靜室處之宮府辭不可翼日出貨泉二十五 庀徒藏事起三大士正殿丈室七巨楹下至門問庖温** 盖遵養而有俟也逮甲中冬皇孫噶瑪拉以師持誦保 奉香火修潔精進而已至於建大道場擴充無量功德 初作闕地得廢鍾所刻天慶二字考之蓋有遼建號也 百緡泊名驃二仍諭留守段積詹事丞張九思即所居 たこりき 21.11 中州名賢丈表

同涉江湖往返萬里存神過化高風所及奔走供養且 者此師之所圖惟也宜其經來神衛號應基先雖老柏 二萬八千餘卷分貯大都之開泰天慶汴洛之惠安法 有金仙通靈伽藍主護之應吁亦異哉凡得經四藏計 |法觀矣後三歲奉皇孫奩香禮江浙名刹起造藏經師 於空際有來諸天普臨雙樹顧誤永泰廢餘復爲清涼 風壽聖皇贊寶緒天花雨紛焚唱雷動日開八方之供 祥及永豐法藏院仍以法物付之使人無南北通暢元 **金好四月全書**

阜蓮社云是亦將因儒釋僧之特達者也宜其行業成 野齊東林凡一十九人作為文字道其不凡時方之廬 凝而風休也當即寺雅集自鹿卷左山二大老已下至 周旋不樂中間解紛振之要有實效然去來其間殆雲 學有器識所交皆藩維大臣文武豪士緩急於士大夫 尚憲使與顧以銘章則之始終之願畢矣予以師憙儒 重柴神松回指有不是過者遂不千里遠持待制王之 綱事狀以寺碑來請曰山僧空疎無足比數以義以契 2 1. 7 ... J. L. ¥ 中州名野文表

尊祖追遠光又赫焉余當論天下之事雖小大有殊疇 司録恭軍母夾谷民師生有徵祥甫毀戲不葷酒齊初 就 姓張氏雪堂其道號也世寫許昌人父世榮官至豐州 十九代孫也過鎮陽樹碑表行濬源接派以昭眞本於 崢嶸光騰星緯之諭贇派出臨濟第而上之師乃慧照 公一見器異即蒙印可至有機鋒灑落瑩徹冰輪頭角 祝髮於壽峰湛老再具戒於竹林雲和尚及參永泰贊 如此固可以著金石而垂不朽矣師諱普仁字仲山

到灾匹库全書

次定四華白島 慈愍濟度心為先衆生迷惑不知覺沈溺苦海甘流連 道之大原出於天物生而靜乃本然扶持有術繁後傳 **火宅變幻生青蓮龍宮紺殿儘瞻禮貝香須滿黄金田** 人人安得以手濟以法為極經為船奉持頂戴破黑業 惟聖日遠湮其言奪攘矯虔紛目前佛乗自西來竺乾 謂持用有方審所先後者哉乃隨讚歎而作偈曰 末也崇其末而遺其本求進於道亦以難矣若師也可 酢注措皆有本本就釋氏教論之佛法者本也塔廟者 中州名賢文表

未若此舉思無邊功圓行滿師不有歸之帝孫祈永年 羣昏再曉栖至善如夢日月金沙淵漢人得經幾四十 從此婆欏雙樹底知師澄定草韄禪 惟城惟籓復惟宣歸來文室炷香坐但覺鐘鼓清而圓 重與震旦開經筵無豐汁洛選舊貫佛界珠網搖秋煙 阿師振錫下南海豈爲頭角爭昂軒向來四萬八千偈 金少见后人 八方莫枕磐石靖天子萬壽南山堅聖孫神子麗不億 渾源劉氏世德碑并序

為名士夫作良牧守文行端雅門第清峻為金朝第 業耕稼生子翰贈承德郎配張氏追封彭城郡太君生 遷朔土遼末遠祖諱用者居宏州順聖縣之耀武關世 流者其惟渾源劉氏乎劉氏出彭城望族五季板荡播 學挾藝應選首破天荒魁冠多士父子昆李相繼握第 於得賢故文風振而人材輩出治具張而紀綱不紊有 大王日日 Et 國雖餘百年典章文物至比隆唐宋之盛若夫篤志力 金源氏倔起海東當天會間方域南定即設科取士急 中州名野文表

弊其後學者如孟宗獻趙樞張景仁鄭子聃皆取法焉 **場公以詞賦第一人中選惟遼以科舉為儒學極致** 搞字仲謙即今監察御史鄰之高祖也始釋未耜習進 金國一代詞學精切得人為威由公有以振而起之也 文辭卓然天成妙絕當世一掃假貸剽切牽合補綴之 士業當遼金擾攘際學未當一日廢天會二年聲開科 釋褐右拾遺轉知天城陽曲懷仁三縣擢大理正遷平 **大體尾雜 萎繭 視晚唐五代尤為早下公勵精種學**

金月日月日1日

-+

|独主恕不屈於權貴故多平反尤長於治民與利除害 日渭日海早世日濟汲字伯深類悟絕人早傳家學與 事素愛渾源山水幽勝買田家焉晚號南山翁夫人渾 若嗜欲然施設有條理簡便可持久所去見思圖形奉 源雷氏北京轉運使思之女封彭城郡君生四子曰汲 公性淳厚見義固執待物誠好誘掖後進三爲理官議 中大夫年六十三卒於位翰林學士張景仁碑其神道 陽府判官安東節度副使兩貳大理寺出剌石州累官

沙宝四年 全馬

中州名賢文表

甚悉卒年五十八耶王府文學陳訥銘其墓有西島集 子倡字稚川大定十年進士第積資奉直大夫豐王府 水間以遣與讀書爲樂稱西島子述壽藏記放其行己 大應奉翰林文字西京路轉運司都勾判官平生寡合 弟渭同推天德三年進士屢爲州縣有聲累官朝散大 文學兼記室祭軍猴一從夔字和卿奉職出身善作詩 行於世屏山李之純引其端娶曹氏追封彭城縣君一 不羁慕郭林宗黄叔度之為人晚節像於游官放浪山

遠大將軍饒陽令配張氏封彭城縣君生四子似似儼 **嵐州刺史號** 克勝軍副都統孫五人曰郊義武將軍曰郅等俱早 澤如彰德府酒監從皋字平郊從契字禮如武義將軍 **侵似字稚行宣武將軍真定府軍資庫使三子從善字** 欠足口巨 公手 之曾祖博學强記少有聲場屋間既而用廢入仕至安 郎知秦州隴城寨事調隰州軍事判官終朝列大夫岢 曾孫文祖渭字仲清少好學克紹箕義既登第授承德 老人一子价河水泊酒監曰濟廼都 中州名野文表 Ī

家遺文雄深簡古有題祖風曾訓子孫曰爲士當先行 **擢大安元年進士乙科調鄯陽丞長葛簿陳州防禦判** 紀蓋可見矣一子從益字雲卿自髫戲時已有成人度 故屏山李純甫表其竈曰善人劉公之墓其爲士夫之 檢如絲之潔將立其身慎無點汙汝佩吾言則無忝矣 郎主沂水縣簿娶王氏封彭城郡太君壽五十五終於 試於庭不偶用思賜第授承仕郎華州教授再任承直 似字稚章孝敬友爱出於天性力學能文稱其家聲四

金月四月白書

朝廷紀綱時政利病竟與宰臣辨論得失不屈去職間 之以學欲使事業表表大見於世一旦職與志合所言 権貨事丁沂水君憂起復拜監察御史君負材尚氣資 中風化大行考課為河南最未幾詔入翰林為應奉不 剔蠹豪族惡黨禁不敢少肆請免通租三萬石致流民 居准陽與諸生講明伊洛學久之選令兼縣至則鋤强 官皆有治績投機應變措畫出眾意表進提舉南京路 自歸者口數千大起孔子廟既樹教本集諸生肆習其 ラスはした

文勒銘神道皆稱其器識明敏剛直敢言學可以輔政 踰月而卒得年四十有四雷御史淵誌其墓趙翰林秉 之孔子稱遺直遺愛者豈近是邪蓬門其自號也盖取 封彭城縣君子二祁郁祁字京叔少穎異寫學能自刻 句有文集十卷粹而瞻通而不流類其爲人內子嚴氏 教材足以濟時艱齎志以殁士論惜焉葉民至廟而祀 厲有奇童目弱冠樂進士廷武失意即閉戶讀書務窮 南山翁誠子詩元自蓬蒿出門戶莫交門戶却當蓬之

欽定四庫全書

斯文命脈之傳壬辰北還鄉里躬耕自給築室協曰歸 英華收其真實文章議論粹然一出於正士論咸謂得 也皆倒屣出迎交口騰譽之及與御史公退居於陳相 改試官後征南行臺聶赫公間其名邀至相下待以賓 潛歲戊戌詔試儒人先生就試魁西京選充山西東路 與講明六經直探聖賢心學推於躬行踐履自是振落 屏山趙開開楊吏部雷御史王滹南諸公見之曰異才 遠大涵藩鍛淬一放意於古文間出古賦雜說數篇座 中州台對之是 Ī

監察御史能文辭工書翰別號歸愚卒年六十一娶趙 士中統元年肇建中省辟左右 司都事出尹新河召拜 卷處言四十三篇歸精志三卷行於世郁字文李亦名 **山終國史院編脩官孫一與同有神川遯士集二十二** 娶史氏洛陽名族一女適前監察田芝子文冕一男景 儼字稚昂鄰之祖也登承安二年進士第累官至中奉 氏前禮部尚書璜之女一子景嵩鄴字伯震一子景巒

銀定四庫全書

灰凡七年而没享年四十有八翰林承旨王磐誌其墓

撫字辟府君攝領韶州事繼真授宜陽令縣當兵後庶 第官至朝散大夫同州錄判一子曰都從愷字舜仰自 大夫秘書少監壬辰北渡痛宗國云亡蹈河而死配李 事草剏下車廉知其利病休戚斟酌而更易之凡科取 不敢以少年書生易之國初生聚稍集遊選廉能急於 官授武義將軍登封主簿已能綜聚縣務東溼吏曹人 幼卓榮不羣稍長入鄉校擅能賦聲再舉不契就廕補 氏封彭城郡夫人三子從禹字虞卿登至大七年辭賦 中州召贤之表

差徭必驗其等第俾均輸焉暇則集俊秀於縣庠講明 私居之正寝壽五十有五娶張氏宣德望族貞靖柔懿 之觴咏於泉石間中統四年正月二十八日以疾卒於 府路經歷素精更事婉畫恢恢及游餘地致六房無滞 禮義美善風俗寫政才期月而頌聲四達終更授河南 銀定四庫 全書 自在父母家已稱純孝及歸于劉事舅站恭順飲食服 務公餘與絮陽楊丈西菴楊公九山李子微薛庸癬微 御非經其手不進也終於至元二十三年十月二十

享年七十有五葬合科子男三人都字君美平江路 達時務由省據授承務郎工部主事次陞承直郎順德 次適應州元帥韓公之孫孫五紹祖江浙省宣使慶祖 教授三子曰郇曰郴曰郛俱承奉班祇候遂州酒監 殿山巡檢繼祖勝童乞童從稷字賢即終濟南路儒學 路總管府判官選充監察御史女二長適渾源州王氏 配段氏享年四十有九部表部場管勾鄰才識警敏練 匠提舉至元三十一年十一月以疾殁得年五十有五 くこうこ P. L. **(1** 中州名賢文表

能發越先賢事業且何敢秉筆於諸名勝之後堅辭者 雷王諸公銘誌求述世德碑以很列後進年迫衰謝 渾源劉氏洛陽新阡鄰復欲彰先懿昭孝思圖不朽論 從祖坐於渾源縣東北黃嵬鄉御史君以世故流離起 子從周字文卿劉氏先壠始葬順聖之耀武閼南山翁 不肖曾問學於神川先生知其家世頗詳持張陳李趙 父中奉公衣冠及考妣柩安厝於河南北印之原是爲 先坐於死丘神川旅殯洹水歸愚定定熊山今鄰奉大

銀定匹庫

全書

卷二十七

顧則先世之事將何於託不獲已廼採掇諸公緒餘及 求接見先輩老於文辭而最知名者莫公若也今弗惠 漢庭射策貢士遺風排點百氏仲舒是崇唐文三變敗 已之聞見而知者會歸其極而系之銘銘曰 雄首題多士惟南山翁程文妙絕一世師宗當時景仰 **肾裔孰繼芳蹤大名難再氣數奇窮金源立國網羅才** 北無從振起衰繭尊昌黎公兩公傑出莫之比隆考其

久之鄰復曰金亡士之北渡者百不二三今消磨己盡

矯職貳大達存亡惟義表我孤忠子孫昌熾為報則豐 匪躬支撑傾頹致時之雍齊志雖没留名則鴻中奉矯 韓董攸同子孫克肖家學是攻巍科七決聲華摩空故 欽定四庫全書 時逢陰相同氣先志恢洪朱衣白簡乗御史驄何劉氏 神川力學洞聖心胷明理貫道匪文奚工玉佩瓊珠大 家文獻泱泱大渢蓬門卓爾世業克充言直行果節效 振辭鋒道家學之淵流會百川而朝東章甫適越惜不 之多賢試紬繹其始終種德植善無踰於農立志務學

然新宫世故奉率匪忘祖封是惟金百年文宗之裔過 禄在其中忠義仁恕傅嗣彌縫維人事之克盡見天 之昭融宜澤流渾水之源青蔚南山之峰北邙之原

中州名賢文表卷二十七		Service Business	14 10 10 10 10 10 10 10 10 10 10 10 10 10		欽定四庫全書
ベニ ナン	·				卷二十七

隸書也近觀公建寧三年所書五官功曹椽夏承墓表 **牘削耳逮中郎蔡邕去取丞相斯大小篆寫八分實泰** 欽定四庫全書 中州名賢文表卷二十八 書當秦有天下未盡廢而程邀易篆作隸特 王文定公 題跋 跋蔡中郎隷書後 中川名賢文表 明 劉昌編

為有徵後之學者苟志於古舎兩漢孰宗匠哉至元辛 宋文貞神道碑見其筆畫一一涵篆題古意乃知其言 堂者乎故書家評公書骨氣洞達爽爽為有神宜矣昔 真奇筆也如夏金鑄鼎形模怪譎雖蛇神牛思甩雜百 銀定四庫全書 未中秋前二日同相人馬才御觀於省據吳蔓慶之寓 張長史作書多先觀古鐘鼎科斗文字遂楷法妙天下 出而衣冠禮樂已胚胎乎其中所謂氣凌百代筆陣堂 不然則無漢晉已來高古氣骨不肖往年道出襄國讀

軸蓋活溪臨本也命兒子孺臨摹雖精氣轉索庶幾典 藏最為完好予後得而見之官學四方來藏魯公書甚 有神如忠臣正色立朝羣姦魄褫又如元氣賦物流形 型具爾當聞公平生書五百餘石其風骨氣韻率洞洞 多兹獨關然及調官平陽會部君和之出故家墨刻 歐陽公稱浯溪頌石歲久剥裂字多訛缺獨李西臺家 舍衛人王惲飲莊書 跋中與頌 中川名野丈表

盛豈虚言哉開開公偶以銀鉤鐵畫目之恐未盡善也 醫名也故評兹帖者謂閉偉發揚狀巨唐中與數德之 至元十二年し亥歲夏四月六日臥病中書於謝帥第 在邯鄲則爲帶下過洛陽則稱老人西入秦又以嬰兒 都異因其人而寫變耳始秦越人探九起死不主故常 古人稱長史得草聖不傳之妙豈知真書在唐寫一代 跋郎官石柱記後唐尚書右司員

舒定四庫全書

精絕所謂能行而後善走者也智公書學氣侔造化真 希代寶也十有三年春正月人日題於西山之讀易龕 或云淪痊廳事址下近從曹生季衡得墨本全文蓋丞 楷得法多自公始郎官帖精絕為至舊刻在京兆今亡 飲定四庫全書 ! 世傳懷素自叙帖有數本劉御史文孝云昔吾從祖河 相壽國高公故家物也老眼增明伏玩不置者累旬真 平君所藏本最佳後有蘇才翁跋云前紙糜潰親為裝 跋手臨懷素自序帖 中州名賢文表

是日極暄好可受乗筆墨調利喜為臨此拙惡非所慮 亦非長沙真筆至元辛未秋九月晦余謁左轄姚公出 渡後觀金城韓侯及秘府所收俱無蘇杜二公題政 聖繼家顛卷後兼題大歷年堪與儒門為至寶武功家 稍且為補書不自魏其糠軌也有杜 祁公題云狂僧草 之餘令人仿像意韻盤磷於胃中者累月冬十月甲午 世久相傳後又有山谷楷書釋丈蔡無可家故物也兆 示太保劉公家藏帖前三十三字亦云子羨補亡披玩 似

脈具在所謂雖無老成人猶有典刑十一年正月五日 於氣凌過庭勢迫張顛雄偉豪邁超於法度之外者 狀其欲斷還連似斜復整筆增妍而不繁其減者意足 予觀藏貞大歷二年海西寺所書千文極縱横捭闔之 钦定四庫全書 ! 而悉備如風檐陣馬驟不可當倒冠落珮狂莫得制 庶幾見其典刑云耳監察御史汲郡王惲仲謀南題識 視之皆蒙隸之古文耳兹本雖出臨摹精氣固衰骨 題懷素草書千丈後 中州名賢文表

端出矣 提重兵臥護北門其氣固已雄一世矣及繼璟而相以 特龍八遺法為正書之一變耳張公當開元初拜大將 强敏風操聞然史臣稱公性疏簡與人交不疑內曠 近效極鶴銘乃知為右軍龍爪書也予所藏唐中令張 風日清麗手柔筆利乗與學書覺自中煩滞拂然從筆 公嘉貞北嶽廟碑其意韻骨氣敦厖古怪如衝戈植剱 跋 張嘉貞書

老ニャハ

時不待他極已海然冰釋矣魯公書大抵與兩儀渾 |為少衰矣戊辰中元日書 為人然未免夫棒心效單也如優孟抵掌談話與叔 縹緲穠繼妍麗無不可人正如覩麻姑手爪今人背痒 歐陽永叔云仙壇記有大小二本此大書者也其與寄 俱化一一較之有不然者蓋其嚴辨有餘而高風絕塵 大己の巨 白馬 也古人以書學為心畫故其筆不得不雄放奇偉象 跋麻姑擅記後 中州名野丈表

曹公書三原臧氏二碑所謂紀宗者作學軍大字體端 畫望之凜然挺植戈戟一一較之不無利鈍惜乎出於 争光而色正芒寒之氣爲有間耳其懷恪神道銛鋒勁 |整而頗瀟散如羽林壘壁横天作陣勢相戛摩與眾星 |不經之事公特爲書之豈王中今謝太傅文彩勲名凌 跨百代未害登東山而有高世雲霞之志也 千態萬狀不可端倪因其人而爲變耳第記中皆戃怳 題魯公書臧氏碑後

金员正屋白雪

中舍諫獵奏狀間以側筆學坡之媚耳乃知公當大定 學而後能也至元乙亥秋七月朔得此帖於參政李公 宴無光惜哉乃知太師忠義之氣發於筆端者諒非積 竹谿書所見多矣未有若此帖之真楷蕭散者大似虞 |岩臨摹使千金駿足困伏皂櫪間其超逸絕塵之想索 大己つる たけ 東 玩亦醉翁之意也可謂具知賞音者哉 明吕間不只以篆隷獨步於玉堂金馬矣輔之韞櫝愛 跋竹谿所題東坡墨戲後 中州名賢丈表

金分四庫全書 太宗以英偉之氣凌跨百代萬機之暇游心翰墨故二 跋猻過庭書

時今觀此書規模步驟一宗二王得飛鳥出林驚蛇入 草之勢然點畫散落往往斷而弗連蓋體具二王而章 王法書盡入祕府摹倣臨搨然後以牙籤玉軸偏賜諸 王何好尚如此其篤臣下得不從風而靡過庭適當其

得奇趣余於吳郡亦然但近代名公品題不到豈具眼

時變新法調今毗子青苗助役無所紀極噫一念之差 氣清率爾而作汲郡王憚謹題 子嘗觀壽國高公所藏心畫水鏡知此為臨川所書無 至於筆墨間尚能髣髴其爲人如此後之學者處心擇 疑雖風骨適勁而筆勢散落無絕削可據殆似公當軸 者未暇及之邪子特表而出之至元辛未冬十一月 十四日與兒子孺重觀於京師咸寧里之寓舎時雪霖 跋荆公墨蹟 中川台對文表

然如王謝子弟以生長見聞猶足以超人羣也殷溪云 **将當如何哉至元壬申重陽前四日書於平陽官舍** 予觀公書多矣曰黄華山主者蓋公中年筆也其格調 步趨要本二王氣韻蕭散得元章之勝勁厲初不逮之 此數帖蓋公官翰林時書也至有饑寒之厄近在旦夕 題黃華與李彦明太守一十三帖彦明係公 跋黄羊墨蹟 同年友也

銀定四庫全書

巻ニナハ

|造物者庸玉汝於成邪至於文翰之妙如荆金和璞自 **惋當明昌嚮文之世公以文彩風流照映一時其窘迫** 南麓書在京師為最多其擘樂大書往往體莊而神滯 乃爾豈官散禄薄未為道陵所知不然貧乃士之常 獨此帖豪放飛動超乎常度而木庵師謂醉後與逸妙 有定價不侍稱而後重也 又云收拾扈從秋山貧家至甚不易令人披讀可勝嘆 **てこり**記 Zizla I 跋任龍巖烏夜啼帖 中州名賢文表

絕塵不只籍步兵作氣而能奪三軍之帥也 意處非 **到厅四库全書** 能天成豈長沙率爾而顛字字圓轉之意那然古人 **南麓書在金大定問號稱獨步然擘窠大書往往體莊** 神滯今觀此帖筆勢超逸氣韻兼勝豈非抵掌談笑 如去乖就合意居筆先乗其調利例多高風 彦亨賦總一百八字提刑王子勉目曰數珠 帖 跋任南麓所臨潛珍閣銘爲大陽津張提舉 ţ, 茶二十八

諸衡是不幾於黷乎至元し亥夏四月命士人王友 顏子從行小影最爲真像此本蓋再一傳也嗚呼質 於河漢培塿之於泰山也孔氏云家廟所藏衣孫居 宣聖肖像繪者非 善學叔教者那 |改其迹是謂之恭敬不然天容日表雖參於前而倚 識題 宣聖小影後跋語鄉筆襲封行聖公孔 憑聖儀四十九表擬之猶潢潦 中川召對之表

臨寫小子惲百拜敬書 役萬物而君之者莫靈於人而處尤以氣勝者也彼司 欽定四庫全書 跋周處府君斬蛟圖後

|氏萬年之嘯兇也處一旦視之猶尺蠖與狐豚耳乃知 擁 之際其氣固已蓋西戎矣然有憾無接受制於 馬肜之虺鄙未若神蛟之變怪也老於苑之殘猛不減

卒為二豎所害憶千載而下令人讀臨戎之篇凛凛然

猶有生氣其脫梁王不糞土若也雲史筆之諒有激而

所謂 林麓幽邃咫尺杳霭遠隔千里翁然若太陰雷雨不可 圃水濱之異鎮之筆不見收於御譜而爲金陵所題詠 疏果猶大馬然以其恆見而難為工故生意彩色有郊 中立初年本學營丘極平遠炯秀之狀至於山骨鬱茂 一杯密雲龍足以知名於當代也) . L.I. : | | | | | | | | 跋范中立茂林秋晚圖 跋陷缜生菜圖 中川台對之表

微入妙 端倪兹盖居終南晚年之筆也故當時有弃墨如泥之 **銀定四庫全書** 書與畫同一 似而出神爽爲佳蒲江王生以讀書餘暇游藝丹青於 目是知游藝雖宗匠前修唯其智中自有一天乃能造 天機所到近寫予點道子馬融橫吹營邱寒江晚捕寫 放為尤能蓋致思詳雅不為法度窘束筆與意會將 題王生臨道子横吹等圖後 關紐唐賢善臨書宋人工點本要之極形

煤松自劑放潘谷漆法至竈發舍焚曾無倦色宜乎泰 墨之名家者唐已來不數人其難工也若是如坡公尚 君嗜之而不厭也蓋將紹潘張之絕藝發潛德之幽光 斃也若向作著矢狀則風斯在下矣知此則能造微入 耶子近以沈煙寶劑就龍尾石試之其黑而能光清而 妙文甫其沉潛可也丙子清明日書於行館之敬止堂 見昔龍眠作李北平射邊騎圖觀天之所直廼應弦 跋秦得真墨軸後 中川召野之表

至元九年冬朝廷以郡邑鎮山大浸載諸典秩者所司 日惲行縣北走霍邑前次洪洞雨不克邁越翼日抵趙 極之日用信報禮昭處度也明年癸酉夏六月二十 城適嚴祀省牲之夕廼率霍州判官連漢臣監縣事塔 三載一祀霍岳在河東實寫靈鎮故事每歲以仲夏土 不沍廼知精妙入神方駕前輩爲諸公所稱道宜矣 廸尹裴國用主縣簿劉偉齊宿祠下將事之夕霧雨交 祭霍山祠題名

欽定四庫全書

直郎平陽路總管府判官汲郡王輝題記從行者問小 承慶邑人薛昌龄嶽廟道士李志真與唐寺僧普光執 張思誠子翁孺 事者吏王庭玉等一十五人遂相與黶飫神貺而退永 作既祀之朝陰霾四開三獻禮成冷風肅然神峰驚頓 喻其快也陪祀者府兵曹解禎縣佐史高政稅監張 -豁呈露雖韓潮陽之禮衡岳孔廣州之祀南海不足 跋唐忠作柘條白頭翁圖和書譜 Þ 川名賢文表 有傳

能狀物之性為好耳余尤愛其科係勁挺放筆而成得 **銀定四庫全書** 墨同一關紐豈虚言哉 前人稱忠祚畫不唯極其形似如花美而艷竹野而夫 予初不解畫工批非所知但開卷瀟灑見漁家風味令 妙意於法度之外殆書家所謂錐畫沙也乃知畫與翰 獨聱牙而揮車去作西溪漫叟為畫家所傳寫似亦 人渺然有江湖塵外之思不知何時得帶答筲以駕船 跋楊息軒江灣漁樂圖

裝潢者能愛之以為珍藏豈性與藝習而相近然邪 今日午睡起偶作草字數行因悟筆勢貴其神速要如 此太保劉公書也觀其筆法若不作意故飄逸如此絕 虚負此生矣 似長沙素苔磯靜釣等帖識者當以予言爲不妄黄氏 自題所書草字後 **乗雪出其不意乃能懸勢城縛取元濟爾** 跋厳春劉公東亭等帖 中川召賢丈表

者坐享堂封無所事事曾不若丞相區茵吏耳子適緣 |神爵五鳳間蔚然有聲寫中與名臣以二公較之佐命 重夫更化者乎及博陽秉釣闊略細粉毎以變和寫心 蕭曹稱漢賢相然未免有牛飲池污之論豈祖於休息 述調元事鑑友人敬之之子公讓請題其後故書 外吉寅亮之功有足多者胡氏謂體元者人君之事調 銀定四庫全書 元者宰相之職信哉彼闔里門而消沴因淖車而被詢 題丙博陽問牛圖後 を二十八

遣扶風蹭蹬蜀道彷彿躑躅怒焉如擣之懷去五百餘 老進說次馬嵬而六師不前痛九廟而太子北駕至搞 逮夫九縣魑馳越在草莽方思曲江忠諫遣使祭墓嗟 何及矣今觀是圖自馳出大內官衛依然供順咸陽父 世知天寶之禍階於九齒罷相政歸楊李不知枉害忠 一言玄宗已爲聲色蠱惑其明理亂顛倒莫知所從 蜀圖 題王郎中國範所藏唐翰林供奉畫玄宗幸 þ 川呂對丈表

時顯官有不復及者詢之皆前朝權釀官也而況坡軒 時賢與之不在明昌詞人之下所存片言隻字猶當享 者乎先生在大定間調監相酒其風流文采照映一 載按圖思事如在目前今人動被髮伊上之感可謂畫 予嘗於鹿庵識席見老人數筆衣冠楚楚容止足觀當 中有史其垂戒深矣 金自非為好有脫而不顧者夢卿出將家喜詩學 題坡軒先生詩卷後

銀定四庫全書

刺史先生姿冲澹樂山水初蘭州府君官鳳翔府近山 李鎬字之京涿之定與人父金大定問進士第終蘭州 固能寶而藏之異時聽酒臨江助吾横樂之氣者不爲 無得於斯文也 渡后留寓其上僕猶及識之番番然一良士也當作樊 多勝縣公日登覽怡說至樂而忘歸自是畫品日進北 樓風雨春雲出谷二圖大為東瀛子蕭公所賞識曰士 題李懷遠事系後

能浮大白酣適簪花曳杖游行間里子每遇諸淦更忙 夫間不多見也以門勞官至懷遠大將軍集慶軍節度 欽定四庫全書 爲人質直好義無它腸精力强明飲啖不少衰時時尚 與從容抵掌談平日心事初不以惸獨而屑懷也然未 副使壽六十五卒於衞子師孟字希賢今年七十有五 免作句讀師自給其日料焉復爲一慨然耳戊子處端 月上元日秋澗老人書且得載郡志寓居之列云 **政澹游先生詩後 巻二十八** 中川名賢文表

清明雖耄而不衰者邪戊子冬陽生后日秋澗惲謹題 間照映一時惟其早世識者至今惜之余向客京師好 黄華先生以海嶽精英之氣發而寫文章翰墨當明昌 增其豪豐體使益其婚如盧絢下朝風度開雅紫轡回 見於是此幅公之老筆尤瀟灑可爱豈神完守固氣自 李北海書融液屈折紆餘妍溢一 事家屏圍慎軸無非澹游詩翰廼知老成雖遠典刑盡 題雲麾帖後 中州昌賢之表 法被飲序但放筆差

欽定四庫全書 之俗況餘人乎公於斯時獨能高視遠步造微入妙臨 索尚一代學者爭師宗之然如徐季海輩尚未免結體 策儘有總籍三郎顧之不覺歎美東坡云予書初學李 稍扁而青出於藍耳蘭亭在古今寫真行之祖自太宗 江夏后來自成一家及以雲塵帖一一較之坡第按之 不妄戊子冬孟秋澗老人王惲謹題 池策數固當為右軍忠臣矣有具眼者出乃知余言為 跋米南宫書曾夫人墓誌銘後 巻二十八 ショ

所見如此於戲夢卿其實之安知飛電流雲之駿不踵 次定四華 全書 者心慕手追豈不踐跡終不入於室邪夢卿來託審定 也縁襄陽出奇無窮雖憑軾緞觀不無看朱成碧耽皆 特留二三白者使見其已者之功夫耳初觀是帖即疑 顏魯公稱殷成已雅善填書嚮見唐人作禊飲序每行 門而至者乎戊子歲秋八月二十七日秋澗老人題 其神爽索然乏飛動縹緲之勢再視之乃知寫成已法 跋香林先生老饕赋俊 中州名質文表

羅抗首有百獸不敢伤之氣不如是何以破吐蕃四十 魯公之妙至於率爾而顯餘未見能也也今觀此帖馳 者也晚進王惲謹題 **槩可見矣先生姓田字信之前進士家城人學顏而至** 騁長沙氣劇禱佛之壘耳鳴呼百年來人物淵源之盛 子嘗觀泉王畫像魁偉奇傑顏赫英視猛而髯戟如老 **真档有常规而颠革無定態魯公傳長史之法東坡得** 跋唐韋皋畫像

钦定四庫全書 一 預政抗章勸進軍旅之目以定秦鏤號其豪侈横恣在 今盛名有光於蜀嗚呼竹頭木屑其可忽也哉秋澗老 萬之衆擒殺節度都督籠官千五百名乎至外臣自 偶題 不論及殁有司欲追繩其咎賴門士陸暢者得解至 附錄 學士承旨資善大夫追封太原郡公諡文定 大元故翰林學士中奉大夫知制語同修國史贈 中川名賢文表

焚黃祭告寵賣松檟越王氏有煒是用追述先公立身 皇慶壬子咸朝廷推思舊學贈先考中奉府君翰林學 家於衛曾祖諱經隱居讀書鄉黨化其德諡文元先生 封太原郡夫人眷恤隆渥上及二代明年春正月丙午 行道致兹顯揚者敢昭告於神道先公諱惲字仲謀世 士承旨資善大夫追封太原郡公諡文定先妣推氏追 《祖姚吕氏臨清大家祖父諱字亡金衞州 王公神道碑銘 刑曹孔 目

太原郡夫人顯考諱天澤資剛明決科律學魁多士亡 中大夫追封太原郡侯諡敏懿祖妣孟氏韓氏竝追封 鹿卷王公詩文字畫已有聲紫陽遺山一見寫指授 司農鄉追封太原郡公諡莊靖顯妣靳氏追封太原郡 金忠顯校尉戸部主事中年折節讀書務教子起宗所 夫人先公幼有至性勤學好問若饑渴然弱冠受教於 交皆海内名士易名文通先生用公贵贈正奉大夫人 官精於文法官敦武校尉用公貴贈集賢侍讀學士人

|業期以國士楊西巷曹南湖高吏部徒單顒軒愛其材 欽定四庫全書 言曰廟堂出治之源今機務草創當究其本末先後酌 辭命皆出其手共稱敏贍既而兼中書省左司都事建 東平辟充詳議官尋被中書特授翰林修撰同知制語 器折行輩與交極口為迎譽中統建元左丞姚公宣慰 絕之逸才足鋪張於偉績之旨士論榮耀焉一時詔制 兼修國史院編修官制詞有行已無玷博學能文顧超 而行之允焉遇事詳處得宜同列許其明達至元五年

官長威嚴肅吏屬作勘諭文二 摩立御史臺首拜監察御史獻書曰憲臺執法糾正 枉今無法可守取人無路宜講治制以立紀綱設科舉 四 判官晉大府也先是吏風盛民器於訟公用誠敬待 十萬石權貴爲側目九年陛授承直郎平陽路總管 **禦於政體多所裨益如刻劉都水怙勢作姦陷公** 取人材體用既明朝廷不勞而肅矣憲察為首前後 明典制彈刻姦邪凡一百五十餘章切直敢言不畏 則勉飭 州縣革

籍夫匠力闢山蹊為坦途者六十里西山伏利由之 咸謂伸理冤抑所致各路設辨課官例分門下平陽所 逮繫者三百餘人延滯至五年之久遠近爲憤惋省檄 出土人刻石紀其事大起府學敦勉師生傳授暇 轄院務幾百按籍點差終任不易藩府採姑射山文 歷二考如一 鞫問廉得實跡一 則諄告百姓務本畏法致吏民感化奉約束惟謹 日終兵卒陳姓者殺同產兄杜獄因鬻緩 問即服時晉絳久早是夕大雨雪足

欽定四庫全書

大きり見とい 精妙明年秋選授朝列大夫河北河南道提刑按察副 宜用平時取法凡就試者皆以通文學第之十四年授 過晉者以政績上聞至家奉公勤政之論十三年奉命 賢祠修建解傳述鋪以間計者千數增戶餘三千較使 使改除燕南秩競移山東東西道先公之任風憲當 翰林待制奉訓大夫鹿菴大學方執文衡屢稱其文章 同陳節齊考試河南五路儒士語於陳曰吾道如綫不 屬聽講風俗為一丕變又復回車嶺孔子廟首陽上二 中州名野文表

秦惟具瞻有風動百城之目部內府尹恃占名鷹房恣 當聚議極乎中正方可服衆惟克已自勵故按治州郡 為不法公納賄賂莫敢誰何即按劾罪狀以聞家杖而 僚屬監司職在繩愆糾繆肅清政務惟自治而後可 金分正屋台書 獲而治則姦人得計矣質其田宅償其民南官弭筆者 **掊衆利甚夥與監逸去事白曰行司巡歴動經歲時俟 熟焉憲臺偏諭諸道遠近爲肅然冀州監從人因造作** /又/>
憲府非有錢穀詞訟之繁特明大體布公道事

次定四車全書 明 善事前有圖後斷以已意家裕皇偏覧稱善賜酒有極 承華事略於東官廣孝立愛端本類二十篇採古儲貳 平民劉氏疑獄一十八年除行臺治書侍御史不赴進 號尹庫因告許曾蒙賞賽沮嚇官府肆凶侔利或言其 上命近臣繪寫以賜東宫二十二年奏充中書省左司 用心纂述之諭令諸皇孫傳觀官寮稱其宏益良多聖 擅殺耕牛歷數奸惡痛杖之而死萬戸稱快又辨釋德 郎中屢趣不應時小臣盧以理財用事或問其故曰力 中州名野文表

文武備具有籌策大臣矯正枉濫肅清邊陸則民心服 其識先而有守二十六年授少中大夫福建閩海道 允焉贼果潰滅二十七年以疾得告兆歸二十八年 刑按察使甌閩僻在海隅歸附後官貪民殘奄爲盜區 則東奔彼此玩窓師老無功乃請立主師專號令朝 而寇盜息巨賊鍾明亮嘯聚洪閩郊東擊則西逸西逐 默尤貪惡者數十人乃上章彈劾行省官非其人宜 小任重剝眾利己未見能人者可近乎既而果敗眾服 選

蒙慰諭久之繼上萬言書條陳時政一曰領憲章以 次足四年全書 图 日感和氣以銷水旱十四日崇教化以厚風俗十五日 政務九日恤兵民以固邦本十日復常平以廣蓄積十 樂以聚名實七日設科樂以收人材八日試吏員以清 政體二曰定制度以抑奢僭三曰節浮費以豐財用四 曰慎名爵以攬威權五曰重廉司以勵庶官六曰嚴保 **连以者宿來徵明年二月謁見世祖皇帝於柳林行宫** 日開屯田以省遠餉十二日息遠略以撫已有十 中州名賢文表

篇逐事直說本諸經旨侍臣謂純正親切有魏文貞司 成宗嗣位獻守成事鑑曰敬天法祖爱民恤兵儿十五 授翰林學士嘉議大夫與議政事儿預庭議知無不言 减行院以 其年七十請老不許五年再上章懇請除公孺自祕著 德元年進中奉明年戊戌春以三朝舊臣賜楮幣萬緣 馬端明之風元貞改元加通議知制語同修國史纂修 世祖實錄作表進呈及封諡除拜大典冊皆經定撰大 調遣十六日絶交貢以示曠度上嘉納焉 次定四車全書 四 如法故皆悅服而不敢犯女侍生二子善加撫育無異 公所得俸給均之家人惟恐失所若稍越規矩即治之 **吊祭者哭皆失聲曰五百年那復生此公耶先妣共城** 河西里之先坐夫人推氏祔焉送葬餘萬人及四方來 於私第正寢之春露堂享年七十有八越九月已酉葬 郷里樂遂安閒不幸於大德甲辰歲六月辛丑以疾薨 司刑鄉郡以便侍養仍官孫舒祕書郎榮其歸方優游 人尚醫推公季女資婉順事舅姑睦嫻親以孝敬聞先 中州名野丈表

學正生子瑣住先公資明敏正大材器英邁操行純古 尚幼女孫二長適昭文館大學士耶律伯強子著作郎 類州事孫三箭朝列大夫中書刑部郎官次詵詵侃侃 巳出内助力爲多先十八年卒生子公孺奉議大夫知 博學有經濟器業與人交樂易直諒不能詭隨與時俯 子二公儀廕授承務郎同知磁州事公說衞輝路儒學 楷次適嘴氏子重猻五男漢璋德璋潤璋女二皆幼庶 仰常曰士當行其所學明義達道一以至誠將之窮達

飲定四車全書 禄趙和之病疽迎監救視没為殯斂以行索付其家友 勢利茂如藩國世子且貴顯於朝招翰林諸公讌集私 卿善數學客死於衞既周其丧妻少囊珍具甚富求 治題已官清要四十年自奉如寒士平生寫於禮義視 人周曲山能官至廉卒無以葬營治至成禮南宫劉文 **覿禮衆議未一日禮上國卿當下國君遂平揖而已省** 於世故所至有聲遇不平事及惡之可疾者憤然必窮 得失有不在已者當官持重有體守正奉公表表欲見 中州名賢文表

步 教掖後進明義理工文章必盡所得又善因材致篤故 史傳之鋪陳子集之英華古今體制問見靈出雄深雅 中流出平居該話無異於人及操脈染翰經旨之義理 稱姓字但曰秋澗公作為文章不蹈襲前人要自肺 目曰其上三王別號秋澗晚節名德俱重為世尊仰 健辭古而意不晦以自得有用為主宜乎綰持文柄獨 室相依以禮謝去其廉正類此少與西溪香山灰善時 一時字畫遒婉以魯公爲正所書卷帖爲世珍玩樂

次定四軍全書 图 行後竟如所言較其為與見諸行事者總十之二三故 著忠愛情切聞一事可行一士可用必為建白雖未盡 矣其振耀後世宜矣至於論列時務利害互明得失兼 事鑑中堂事記鳥臺筆補玉堂嘉話賦頌韶語表啓書 平昔著相鑑五十卷汲郡志十五卷其承華事略守成 ·豬之多願達者自少至老未曾一日不學易實方停筆 疏詩文碑誌銘贊樂府號秋澗大全文集者一百卷延 祐六年家朝廷公議為之判播焉富哉言乎其勤篤至 中州名賢文表 į

志存經濟惟日孜孜拜章奏記問或少遺有物禁訶 賢紹韓歐之宗派得文章之正傳医時禪政人有未 雲漢大放辭源鴻文大冊帝載昭宣人所共知方駕昔 兹克勤策勲學海力振斯文擴我治氣塞平乾坤手抉 黼黻之材惟治朝蓍祭之是稽緊晚生山斗之所仰蓋 士惟有立德功與言能一於此不朽者存顯允先公滕 贈諡制詞有觀其遺書蓋抱經綸之志詢夫成蹟豈特 公論云敢用是爲銘辭曰 巻二十八 欠こり 声心事 清泉連漪淵崎無窮永照豐碑 纔幾施時耶命耶而止於斯載瞻遺養為世着龜山斗 世相感則吾道爲庶幾用是昭告神寧無疑大行峻極 時著書傳後千古是希孰得孰失必能辨之又何俟曠 聞望後學仰規內相美盜恤典思推見諸行事功止 而舒後漸無聞昌至衞訪之不可得最後於史 丈定公子公孺公儀皆能文公孺子舒亦以文顯 中州名野文表 嗣子公孺撰 主

銀分正月台書 符儒官有自嘉與來者乃始託購文定公集踰年 啓之繼以公孺公儀與箭纔百五六十年所以考 文定公集中集板在嘉與可致也昌又偏訪之祥 政坐間參政舉玉堂嘉話數事顧謂昌曰此在王 在使又百年併是集亦磨滅則王氏傳承之美且 見其美者乃籍於是集而子孫墳墓漫不知其所 得文定公及公孺公儀岢文寫多嗚呼以文定公 而得則殘缺過半矣又求山鐫野刻於衛浚之郊 巻二十八

大三日王 若懸猱不能不爲之目瞬心掉又折而西兆十餘 石崖二里許至小風門人有攀蘿而上者望之危 西行深澗中石磊磊擇地始得並乃舍與躍騎陟 有水簾洞然險僻不可入昌乗與由金牛額折而 之暇遂出衞西門尋青嵩山山在淇縣南四十里 文定公為翰林學士時有文刻水簾洞中昌課士 復有不可考者此昌文表所以繼作也嗚呼以世 以地豈獨爲王氏哉劉昌在西河舟中試筆 1. a.la () 中州名野文表

金分四月全書 者締視之則在大石上端嚴宏偉所謂玉皇殿也 盡一盂又行里許見臺殿金碧朗麗若浮空而出 從者曰此道院也乃少憩有二三老攜若飲來爲 宅也南即青嵓山今云南方山蓋以其形似言之 而四面皆石壁萬仭深杳迂迴下緣山趾登大阪 十里至所謂雲夢山今云北坡山望煙起叢薄間 里始至大風門舍騎而登挾以兩隸而加之引行 及門如投阱中然既入則寬閒寂實具神仙窟

尋醉仙迹不果夫山窮水僻處幽勝之境出於天 已卓午從者具蔬飯飯畢出望蒼峪及桃峪口欲 井公者東入老君祠有洪武戊寅歲彭守約題時 左顧龜極工記文宏深典重真可垂傳而洞口刻 翰林學士王惲記上爲盤螭中可一丈許下趺爲 若簾然故云水簾道院為汲判井德常建磨崖刻 耳洞在崖半中有井常出光怪水溢流沿洞而 四詩極高者苔鮮蝕澁不可讀其下二詩皆赞 中州名賢之表 九九

欽定四庫全書 一 磴接諸峰支筇欲下人如鳥攬轡先登馬似龍蒼 洞且將與天壤共弊不亦奇哉昌固有志焉而力 造地設而井公獨能用志於此名因文傳而文與 晶寒芝草年深溼未乾翠壁懸冰鳴劍佩蛛絲穿 記却笑無能繼後蹤又題水簾洞云秋雲不捲水 不能及也漫詩以識之漠漠寒山隱隱鐘迢迢石 露織琅玕夕陽照影鮫綃薄春雨添流瀑布寬我 俗雨添溪碓急青岩雲護水簾重徘徊讀盡磨崖 巻二十八 とこうこ 蘇劉昌在湯陰察院書 欲尋真問丹訣憑誰傳簡借青鸞成化已丑秋 1. LID 18 中州名賢文表

中州名赞文表卷二十			100	A LA
を ニナハ				巻二十八